

Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **75 (2013)**

Heft 3: **"Mittendrin"**

PDF erstellt am: **21.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Aintamez

ZEGNA PITTET


Scu tg'igl nom Grischun central tradescha gio – ischans la part aintamez igl Grischun. La Conferenza rumantscha Grischun central è eida tranter igls commembers – ainten lour mez – ed ò lia saveir tge mutivaziuns tgi dat per piglier sot igls peis la veia a Tavo. Pero betg angal mutivaziuns dattigl, i vign er spitgia ensatge da chel de da furmaziun.

Cura tg'ins è aintamez la lavour vignigl adegna pi interessant. Angal antras sa fatschantar d'ensatge, reivan ideas e chellas valigl savens da perseguitar e manar a fegn. Uscheia ègl er cun bungas discussiuns: aintamez ènigl savens igl pi interessantas....

Pigl mument ma sainta aintamez en cumbat linguistic – ia va mianc capacitads da ponderar tge tg'am vign schiglio andamaint tigl pled aintamez.

Nous ischan aintamez dus gruppas tgi fon ghera, na, betg l'egna cunter l'otra mabagn pitost scu Don Quichotte cunter igl mulegn – ed ossa è chegl igl cantun. Pertge? Per s'accorscher tgi Rosinante veva tigl davos spartaveias tuttegn piglia la direziun fallada e tgi chel far ghera porta a nign navot – per franc betg ensatge agls unfants tgi von a scola u chels tgi pon anc antschever cun tala.

la m'imagesch igl infant cun tot las influenzas anturn ed anturn el. Igls sies giaveischs tgi von an tantas direziuns ed igl sies conturn tgi ò da tottas sorts aspectativas, plans d'instrucziun tgi fon preteisas, en conturn sozial tgi è digl tottafatg divers a chel dad anc avant 20 onns.



Davart igl amprender e la responsabladad persiva spetga propi da survagneir en'invista digl svilup d'amprender e tge novas veias tg'ins vo ozande per cuntanscher en amprender variont, individual an en ambiant ampernevel.

En argumaint impurtant per eir ad en de da s'antupada dalla magistraglia da tala dimensiun e per me er da s'antupar cun persungas d'instrucziun da tot igls scalems e tot las regions. I dat adegna puspe belas s'antupadas tgi son er dar novs impuls.

Digl amprender autoregulo vaia gio santia, ma ia sung interessada da santeir ena definiziun da chella noziun d'ensatgi digl rom. Ia va meraviglias da santeir tgi tgi è responsabel pigl amprender digl infant e scu tg'ins cuntanscha tgi chella responsabladad vigna er surpignleida. Ia pains betg da turnar a tga cun la masdegna dallas masdegnas, ma forsa aglmanc da survagneir enqualtgi tip.

Adegna sch'ia ma participesch a curs u a deis da scolaziun, spera tg'ia saptga piglier

cun me en lascher veid e turnar cun en plagn, vot deir cun infos, cun tips, cun ageids concrets tgi anretgan la noss'instrucziun.

Ègl pussebel per l'instituziun scola da porscher agls unfants chegl tgi dovran propi pigl futur? Forsa dovrigl er simplamaintg puspe structuradas cleras e simplas, ensatgi tgi s'occupescha digls unfants e peglia peda per els. Ia va meraviglias da santeir tge tgi rachintan tar chel tema, tge tgi unfants dovran tenor «igls experts» e scu tgi la scola so porscher chegl.

Tigl tema tge tg'igls unfants d'ozande dovran per dumang sunga interessada da saveir scu tgi chegl vign integro aint igl mintgade cun chels meds d'instrucziun e cugl plan d'instrucziun tgi vagn. Ia sung persvadeida tgi nous mussagn agls noss unfants bler tgi dovran betg agl futur, ma nous ans orientagn gio agl plan d'instrucziun e suandagn agls temas aint igls noss meds obligatorics. Èn chels oramai betg drizzos or agls basigns digls unfants pigl futur? Ansomma sa meida igl futur er immens spert sch'ins painsa per exaimpel allas medias electronicas ed a chel svilup.